

萬有文庫

第二集七百種

王雲五主編

曝書亭集

(三)

朱彝尊撰

商務印書館發行

曝書亭集

(三)

朱彝尊撰

國立學基本叢書

曝書亭集卷第七

古今詩六

強圉協洽

太原途中聯句四首

涓涓難老泉。分流晉祠側。曲周王顯祚。湛求中有長生蘋。冬夏同一色。彝尊

三過朝陽洞。一宿羽人居。彝尊萬籟夜俱寂。想見天地初。顯祚

高歡避暑宮。聞在龍山下。顯祚馬蹄不敢踏。慮有香姜瓦。彝尊

一百二十六。石柱刻作經。彝尊會須挾風峪。移置水邊亭。顯祚

猛虎行

班班南山虎。黃金環兩目。獐鹿非不甘。妄意食人肉。解一朝亦伏林間。暮亦伏林間。將軍不敢射。何況惡少

年。解二東海殺黃公。山嵎逐馮婦。牛哀導我前。左飛踞我後。解三下士捉虎尾。上士持虎頭。雄豪安可常。寢處

託王侯。解四

陳參議上年署中題畫五首

古今詩六

香醪小榼載吳船。隔岸桃花湧石泉。此樂江鄉常在眼。披圖那不數歸年。
密樹雲根一徑開。水亭風檻足淹洄。最憐略約前谿好。可惜無人載酒來。
岸柳山松壓翠微。芭籬宛轉護柴扉。主人且莫攤書坐。看弄漁舟箇箇歸。
招提絕頂掩松關。茅屋巖阿竹樹環。恍憶昔游長至日。滿衣風雪括蒼山。
水檻風亭八九椽。叢筠秀木總堪憐。炎天引我江湖興。懊惱黃鸝白玉鞭。

戲效香奩體二十六韻

淥水橋橫度。紅樓壁暗鑿。軒牕開了鳥。洞壑隱空嵌。絕世歌難得。同生感至誠。
裁通心叩叩。愛執手摻摻。蜀葉垂么鳳。釵梁綴小蛾。禾中女子有以纖蛤簇蝶綴髮花者
細桃簪後放。碧草鬪來芟。淺黑鴉頭髻。微黃杏子衫。粉融研麝和。
香潤避梅臙。點筆能成陣。聽詩便發凡。聰明箋樣改。放誕酒籌監。
舊譜修簫史。繁聲擘阮咸。目因留客送。語以解圍僂。捕雀容貓戲。
移花信鳥鵲。繡闌鶯睨睨。坐久燕謁誦。鈿鏡清於水。妝階白勝瑱。
住須金作屋。行卽錦爲帆。鬱鬱亭前柳。青青牕口杉。回船同別鵠。
去馬逐驚駟。角枕千行淚。蛾眉衆女讒。車輪腸內轉。石闕口中銜。
積思凝瓊樹。輕郵達蒹葭。犀文擣寒玉。兔穎鬻秋髒。益智忘留贈。
當歸費遠緘。神光渚離合。夢雨峽嶄崿。虎阜東西寺。烏山上下巖。當年並游地。
悔不姓名劖。

城東小徑舊升堂。五載京華鬢已蒼。誰肯艱難全李燮。未容名姓隱韓康。風帘花市春游健。雲碓青精午飯香。閭史佳辰須盡醉。細論煙水送歸艎。

瓊華島

艮嶽移花石。離宮枕玉河。年年御溝葉。相送麴塵波。島石相傳金人自汴移此。

朱碧山銀槎歌。孫少宰席上賦。

高堂宴客客未醉。主人愛客期開顏。羽觴玉爵詎足算。勸我鑿落重三錢。槎枒老樹幾千歲。霜皮崩剝枝柯刪。陰崖自遭鬼斧劈。積雨暗齧苔紋斑。尋源之使出想像。高踞兩膝頂禿鬚。觀其傲岸意獨得。髣髴歸自明河灣。流傳河畔逢織女。所恨尙少雙煙鬟。剗中鄉衡入其腹。未解刀削何由彎。傳之四座叫奇絕。有如白鳥飛翾翾。細看款識刻至正。問誰爲此朱碧山。良工名盛心益苦。顧茲毋乃經營艱。主人博搜金石文。向我更話天曆間。丹丘先生愛奇古。命製芝菌如初攀。當時虞揭相獻酢。是物亦得流人寰。自從闖賊躡燕市。大掠金帛仍西還。紛紛入肆尋鍛冶。否亦道半委榛菅。聞之不覺三歎息。可憐雙鰓今成鰥。吾鄉藝事多絕倫。奇巧不數古輸班。張銅黃錫近乃出。未若此老技最嫻。殊方促坐但酩酊。莫遣酒醒懷鄉關。

食半翅二首

賦物憐窮鳥。營飛日幾迴。遠依黃鼠穴。低搶白龍堆。不用深弓射。恆愁短翼摧。年年隨凍雀。重馬紇千來。

味合添雛筍。羹宜配凍醪。登盤人未識。入肆價須高。且緩思鵝炙。全勝食雉膏。莫愁嘗易盡。讒鼎戒貪饕。

食鐵腳二首

本與黃頭似。羣傳鐵腳名。網羅謀盡取。膏火遽先烹。凍免廚人割。貧貪市價輕。物微憐最苦。化蛤也爲羹。捕自愁雲外。來從凍雪初。體輕鵠鵝並。骨脆鵲鴿如。羹臠嘗兼得。臠胸法未書。故鄉無爾輩。只鱸玉鱸魚。

著雍涪灘

人日同閤孝廉爾梅紀處士映鍾陸處士嘉淑周處士容集龔尙書鼎孳齋中得人字

汾東代北三千里。惆悵花前四度春。江左文章公等在。燕臺風物客愁新。牋題薛訪誇車子。時命三歌童行酒許荆卿和酒人。不是尙書期我數。天涯淒斷此佳辰。

落日

落日銜西嶺。驚沙卷北風。今年春已半。猶有未歸鴻。

題高六柘塘移居圖二首

伍員吹簫市。韓信垂釣臺。昔賢曾混跡。之子亦多才。落月搖鄉樹。清淮上酒杯。誅茅三徑在。高詠日悠哉。草綠連隋苑。花飛憶楚州。人間從散帙。客至許登樓。自卜羅含宅。頻移范蠡舟。看君圖畫意。轉益故鄉愁。

中秋待月和劉輿詩

高館清秋會。愁陰悵望中。當歌延夕漏。卷幔颭天風。玉葉翻雲細。金波落酒紅。殊方寒思早。甘作鹿皮翁。

華不注

仙梵開初地。春秋識舊名。青蓮齊吐萼。石筍獨抽萌。泉憶邊庭實。居連許殿卿。淒涼懷舊意。驅馬入荒城。

自沂水至大峴山作

征衣莫浣淚痕斑。五載辭家尙未還。目送燕鴻南去盡。計程翻度穆陵關。

濰水弔韓淮陰

淮陰師十萬。曾此擊龍且。廢壘人猶識。囊沙水漸淤。生慚諸將伍。史並列侯書。千載烏江廟。君臣反不如。

烏江項王廟以范增龍且配食

寄錢二枋

我登魯連臺。君入淮陰市。不知千黃金。何人酬國士。

濟南除夕

五載論除夕。依然滯異鄉。逃名成白髮。歸計復青陽。櫪馬喧何事。燈花喜太忙。故園遺弟妹。相憶或停觴。

屠維作臘

鄒縣謁孟子廟二首

井地連滕壤。詩書近孔門。世儒多橫議。夫子獨知言。楊墨歸斯受。齊梁道自尊。巖巖留氣象。千載肅神魂。
壤道殘碑臥。祠官異代虔。爵班公一位。里紀母三遷。叢木冬春冷。風燈卒史懸。空令布衣士。瞻拜獨淒然。
曲阜晚眺同劉中丞

徑轉通油幕。林深護石苔。夕陽新雨過。春杏舊壇開。入廟車猶在。看碑日幾迴。東城寒食近。不上鬪雞臺。
和朱十韻

宛平劉芳躅增美

孔庭釋菜後。攜客步莓苔。犧象湯孫徹。金絲魯殿開。牲碑工拓就。善草馬馱回。媿少春秋癖。言旋罷講臺。

地軸

地軸連年震。沂州接莒州。春農千里旱。野哭萬家愁。鴻鴈驚難定。蛟龍鬪未休。更聞城郭外。蜃氣接層樓。
飲歷下亭泛舟蓮子湖作二首

濟水來王屋。源泉處處清。自從湖口入。不復地中行。柳岸鳴蟬急。荷風浴鳥輕。江南歸思緩。髣髴擢歌聲。
海右亭仍在城隅路不賒。竹深池館靜。山轉柁樓斜。小隊千行柳。行廚五色瓜。未愁霑席雨。歸櫂豁晴霞。

長城堡皇姑寺

皇姑正統間尼曾入大內諫止土木之行

十室長城堡。皇姑迹未湮。偶然朝鳳闕。不惜撼龍鱗。北伐回轅後。中宮感夢頻。荒祠巫覡在。猶見舞冬春。

度駱馬湖

自從前度黃河決。董口填淤駱馬過。夫柳至今喧里巷。客帆終覺厭風波。東南民力愁先竭。西北源泉棄尚多。安得歲星長守越。年年輓粟上盤渦。

淮南感事

城樓高見碧湖懸。淮堰將傾近百年。比歲凶荒耕未得。向來修築計誰先。預愁四瀆江河合。直恐三吳財賦捐。開濟何人輸上策。升虛急誦楚宮篇。

秋日登胥山

秋水日以駛。犖尊輕船泛清澄。周簣青士流沿轉紆曲。沈傳弓武功權急黏菰蔞。犖尊仄峰尙阻樹。簣近寺俄飛棧。傳弓窅窅梵磬出。犖尊鱗鱗波雲興。簣流目訝突兀。傳弓賞心闕峻嶒。犖尊舟維臥柳渡。簣道失塞瓜塍。傳弓誰言崕嶠微。犖尊曲磴緣百層。簣碣殘蘚欲剝。傳弓祠古藤交綆。犖尊緬懷大夫節。簣千秋痛填膺。傳弓覆楚豈大義。犖尊忠孝不兩能。簣飲泣蘆中戲。傳弓悲歌河上朋。犖尊當其恥已雪。簣屬鏤非所矜。傳弓慨此空山中。犖尊遺跡猶可徵。簣刃截兩白石。傳弓指點由孤僧。犖尊其旁臥石劍。簣霜色長侵陵。傳弓皜如鋪練帶。犖尊亘若橫丹秤。簣又如常山蛇。傳弓首尾相爲應。犖尊觀其氣怒激。簣毋乃神式憑。傳弓尙想鞭荆尸。犖尊壯士心摧崩。簣至今祠下水。傳弓猶作胥江稱。犖尊吾徒久于役。簣遠

攬岱與恆傳弓顧茲百里內。鼻尊屐齒游未曾。實故鄉洵足慕。傳弓高興偶此乘。鼻尊寄言同心客。實暇日期重登傳弓。

風懷二百韻

樂府傳西曲。佳人自北方。問年愁豕誤。降日叶蛇祥。巧笑元名壽。妍娥合喚嫦。次三蔣侯姝。第一漢宮嬌。鐵撥嫺諸調。雲璈按八琅。琴能師賀若。字解辨凡將。弱絮吟偏敏。蠻牋擘最強。居連朱雀巷。里是碧雞坊。偶作新巢燕。何心敝笥魴。連江馳羽檄。盡室隱村簷。綰髻辭高閣。推篷倚峭檣。蛾眉新出繭。鶯舌漸抽簧。慧比馮雙禮。嬌同左蕙芳。歡惊翻震蕩。密坐益徬徨。板屋叢叢樹。溪田稜稜薑。垂簾遮雁戶。下榻礙蠶房。痞鬼同時逐。祆神各自禳。亂離無樂土。漂轉又橫塘。阜散千條莢。紅飄一丈薺。重關于盼盼。虛牖李當當。鳳子裙纖褶。鴉頭韞淺幫。倦猶停午睡。暇便踏春陽。雨溼鞦韆索。泥融碌碡場。冒絲捎蟻蠓。拒斧折螳螂。側徑循莎薦。微行避麥麰。浣紗宜在石。挑菜每登畝。蘿薦情方狎。荏苒勢忽狙。探丸搜保社。結侶竄茅簷。廡改梁鴻賃。機仍織女襄。疎櫺安鏡檻。斜桷頓書倉。路豈三橋阻。屏還六扇僂。弓弓聽點屐。了了見縫裳。夙擬韓童配。新來卓女孀。縞衣添綽約。星靨婉清揚。芸帙恆留篋。蘭膏慣射芒。長筵分潑散。複帳捉迷藏。匳貯芙蓉粉。其煎豆蔻湯。洊盤潛浴宓。鄰壁暗闔匡。苑裏藉由鹿。藩邊喻觸羊。末因通叩叩。祇自覺俚俚。孟里經三徙。樊樓又一廂。漸於牙尺近。莫避竈觚煬。題筆銀鈎在。當牕繡袂颺。有時還邂逅。何苦太周防。

令節矜元夕。珍亭溢看場。鬧蛾爭入市。響屐獨循廊。根觸欽先溜。簷昏燭未舂。徑思乘窘步。梯已上初枕。大智度論。譬如緣梯。從一初枕而上。莫綰同心結。停斟冰齒漿。月難中夜墮。羅枉北山張。冰下人能語。雲中雀待翔。青綾催製被。黃竹喚成箱。玉詫何年種。珠看滿斛量。綵幡搖婀娜。漆管韻清鏘。白鷗來簫史。斑駁駕陸郎。徒然隨畫艦。不分上華堂。紫葛牽駝架。青泥溼馬柳。枇杷攢瑣瑣。檉柳蔭牂牁。金屋深如此。璇宮思未央。朝霞凝遠岫。春渚得歸艎。古渡迎桃葉。長堤送官娘。翠微晴歷歷。綠漲遠汪汪。日影中峯塔。潮音大士洋。尋幽雖約伴。過涉乃須卬。澹墨衫何薄。輕紈扇屢障。心憐明豔絕。目奈冶游狂。纜解青絲紉。茵鋪白篋簾。回波吟桡桡。鳴櫓入菰蔣。竹筍重重簾。茶牙段段槍。甘菹翻舊譜。活火試頭綱。棹易傾鸚鵡。裘拚典驪驪。曉醒消芳蔗。寒具析餽餽。已共吳船凭。兼邀漢珮纓。瘦應憐骨出。嫌勿避形相。樓下兜衾臥。闌邊拭淚妝。便思蛩負蟹。竊擬鳳求凰。兩美誠難合。單情不可詳。計程衝瘴癘。回首限城隍。紅豆憑誰寄。瑤華黯自傷。家人卜歸妹。行子夢高唐。杜宇催歸數。芻尼送喜忙。同移三畝宅。並載五湖航。院落蚪簷月。階流兔杵霜。池清彫菡萏。垣古繚篋簾。乍執摻摻手。彌迴寸寸腸。背人來冉冉。喚坐走佯佯。齧臂盟言覆。搖情漏刻長。已教除寶釧。親爲解明璫。領愛蟾蜍滑。肌嫌蜥蜴妨。梅陰雖結子。瓜字尙含瓢。捉搦非無曲。溫柔信有鄉。真成驚蛺蝶。甘作野鴛鴦。暫別猶凝睇。兼旬遽病疴。曆頭逢臘盡。野外祝年穰。忽枉椒花頌。來浮柏子觴。亮因微觸會。肯負好時光。鑪面薰鳧藻。卮須引鶴吭。象梳收髻墮。犀角鎮心恒。滅燄餘殘炮。更衣挂短桁。簪挑金

了鳥。白轉木蒼根。納履氍毹底。褰幃罽毼旁。綺衾容並覆。皓腕或先攘。暮暮山行雨。朝朝日照梁。含嬌由半醉。喚起或三商。連理緣枝葉。于飛任頡頏。燒燈看傀儡。出隊舞跳跟。但致千金笑。何妨百戲償。偶然閒院落。隨意發纖絢。竹葉符教佩。留藤醬與嘗。硯明鸚鵡眼。香斲鷓鴣肪。日以娑拖永。時乘嬾婉良。本來通碧漢。原不限紅牆。天定從人欲。兵傳迫海疆。爲園依錦里。相宅夾清漳。奪織機中素。看春石上梁。茗爐寒說餅。芋火夜然糠。唐突邀行酒。勾留信裹糧。比肩吳下陸。偷嫁汝南王。畫舫連晨夕。歌臺雜雨暘。旋娟能妙舞。審姐本名倡。記曲由來擅。催歸且未遑。風占花信改。暑待露華濃。蓄意教丸藥。含辛爲吮瘡。賦情憐宋玉。經義問毛萇。芍藥將離草。蘿蕪贈遠香。潮平江截葦。亭古岸多樟。鏡水明於鏡。湘湖曲似湘。加餐稠疊語。濃墨十三行。約指連環脫。茸絲袖複長。急如蟲近火。躁甚蟹將糖。理櫂迴青翰。驂駒驟玉環。寧期共命鳥。遽化逆毛鷄。寄恨遺卷髮。題絨屬小臧。憤奚殊蔡琰。悔嫁失王昌。作事逢張角。無成種董郎。流年憎祿命。美疾中勝眈。手自調羹臠。衣還借襦襦。口脂勻面罷。眉語背人剛。力弱橫陳易。行遲小膽忙。留仙裙盡皺。墮馬鬢交鬢。不寐扉重闌。巡簷戶暗塘。風微翻蝙蝠。燭至歇蛩螢。霧漸迷三里。星仍隔五潢。輕帆先下雪。岐路誤投杭。九日登高閣。崇朝舍上庠。者回成偈側。此去太愴惶。亂水逾浮玉。連峯度枯蒼。惡溪憎詘屈。盤嶼苦低昂。地軸何能縮。天台詎易望。重過花貼勝。相見紡停軒。射雉須登隴。求魚別有枋。芭籬六枳近。練浦一舟盪。烏白遮村屋。青蘋冒野漄。洛靈潛拾翠。蠶妾未登桑。驟喜佳期定。寧愁下女儻。縣英經

夜合珍木入宵炕。爾雅守宮槐。葉晝聶宵炕。啓牖冰紗綠。開奩粉拂黃。話纔分款曲。見乃道勝常。卽事憐聰慧。那教別
慨慷。場來要漢艾。塊獨泛沙棠。送遠歌三疊。銷魂賦一章。兜鞵投暗室。卷箔指昏亢。命續同功縷。杯餘九
節菖。截筒包益智。消食餉檳榔。膠合黏鸞鳥。丸堅抱蜉蝣。歡難今夜足。憂且暫時忘。本擬成翁嫗。無端失
比伉。睫邊惟有淚。心上豈無盦。鍼管徐抽綫。闌灰淺凍帆。毫尖渲畫筆。肘後付香囊。訣絕分溝水。纏緜解
佩璫。但思篙櫓折。莫繫驢驄韁。帷帳辭秦淑。音塵感謝莊。豈無同宿鴈。終類失羣鸞。衛黥頻開匣。秦衣忍
用樣。炕蒸鄉夢短。雪卷朔風雱。絕塞緣蠨蛸。叢祠弔好舫。刀環歸未得。軌革兆難彰。客乍來金鳳。書猶報
白狼。百憂成結轡。一病在膏肓。峽裏瑤姬遠。風前少女殃。款冬殊紫蔓。厄閨等黃楊。定苦遭謠詠。憑誰解
迭邊。揆先爲檀斫。李果代桃僵。口似銜碑闕。腸同割劍鐙。返魂無術士。團土少媧皇。剪紙招南國。輸錢葬
北邙。春秋鵬蟀換。來往鸞鳩搶。油壁香車路。紅心宿草岡。崔徽風貌在。蘇小墓門荒。側想營齋奠。無聊檢
笥筐。方花餘莞莢。文瓦失香姜。扇憾芳姿遣。環悲柰女亡。玉簫迷處所。錦瑟最淒涼。束竹攢心曲。棲塵眯
眼眶。轉添詞悵悵。莫制淚浪浪。幔卷紉空疊。鈴淋雨正缺。情深繁主簿。癡絕顧長康。永逝文悽戾。冥通事
渺茫。感甄遺故物。怕見合歡牀。

上章閣茂

寄懷李因篤

鴈門北上忽西還。未得相逢一解顏。傳道全家依渭曲。幾時匹馬出潼關。樽前舊事憑誰說。篋裏新詩待爾刪。三載齊東留滯日。愁看李白讀書山。

送謝燦入燕

記昔別君時。太原風雨梁公祠。五年不一見顏色。竭來濟上樽重持。勞人相顧徒草草。白髮青燈且傾倒。歷下亭前柳滿汀。塵沙又走長安道。人生聚散絕可憐。吾將歸種梅溪田。夏蓋山南湖水北。扁舟期我知何年。

同紀處士映鍾杜太史鎮譚舍人兄吉璫集孫侍郎承澤研山齋四首

勝序愁初豁。高齋近許過。圖書留客少。花藥閉門多。興每耽丘壑。衣從挂薜蘿。千秋論述作。出處本同科。啓事東曹後。名山歲月深。論交半縫掖。眞樂在抽簪。遽有忘年約。虛陪作者林。寥寥知己語。一一感人心。野趣行無次。林棲坐不辭。書看金薤出。杯喜竹根持。戶牖分今古。朋游隔歲時。齊東回首望。最憶虎頭癡。謂顯子炎武也。

改席塵逾遠。看花徑轉幽。猶存漢金石。不廢晉陽秋。客已呼沉醉。誰當續後游。六街分手緩。歸騎夕陽流。

九日集刺梅園松下送譚七舍人之官延安四十韻

秋氣薄林木。南海程可則。周量蕭條鴻鴈天。他鄉仍令節。鼻尊高會敞離筵。客盡東南美。華亭高層雲。二

鮑情因去住。懸黃花分漢苑。長洲申稭菽施綠酒自吳船。繫馬斜陽裏。嘉興李良年武曾班荆古樹前。枝撐寒雪厚。山陰沈胤範。康臣榦走老龍纏。空翠垂垂落。江都汪懋麟。季角層陰的的圓。旅懷長戀此。嘉興譚吉璫。舟石幽興豈徒然。歲月風塵換。可則川涂夢寐牽。相逢曾幾日。彝尊回首憶當年。慷慨荆軻筑。層雲飛揚祖逖鞭。一官乘絕障。稭雙闕動行旃。入雒名元重。良年臨關汝最賢。蒲桃隨馬至。胤範鸚鵡得人憐。地險榆爲塞。懋麟原荒鹵作田。由來秦上郡。吉璫遠接漢居延。百戰山河舊。可則單車騎吹聞。自應思魏尚。彝尊那復羨張騫。美政知無敵。層雲雄文孰與傳。龍山爭繾綣。稭鳳閣尙留連。勝事歸圖畫。良年長歌當管絃。江淹魂已黯。胤範顧愷技誰先。銀燭燒林黑。懋麟金盤浥露鮮。霜螯充海族。吉璫香橘摘江煙。麴米封鱗細。可則莢房壓鬢偏。幾忘身是客。彝尊恰笑口流涎。俊味還稠疊。層雲深杯莫棄捐。劇談逾衰衰。稭屢舞各僊僊。聚散時難定。良年交親志肯遷。彈冠新得路。胤範簪筆舊隨肩。作吏今行矣。懋麟專城敢任焉。瘡痍何術起。吉璫井邑幾家全。不問金如粟。可則寧論酒是泉。徵書黃霸續。彝尊擁傳馬卿旋。但遣心期在。層雲無愁後會愆。河流千尺練。稭月挂九秋弦。坐久頻催漏。良年衣輕更著緜。祇緣詩錄別。胤範遂使夜忘眠。長短青門柳。懋麟崢嶸華嶽蓮。來朝一揮手。吉璫惆悵隔幽燕。可則

題譚漢畫山水送譚七舍人兄三首

舍人佐郡出京華。馬後圖書載五車。欲上恒山最高頂。自馴白鹿飯松花。

大漠霜流磧草枯。邯鄲蘆酒急須沽。雲中西去黃河曲。未必山川似畫圖。
桑乾九月未成橋。想像關榆葉盡凋。曾向鴈門三度宿。人家歷歷在山椒。

壽徐侍讀元文

紫籙雲霄迴。彝尊金門雨露偏。羣公爭獻納。李良年之子信才賢。甲第烏衣盛。彝尊家聲鳳沼沿。堂看遺笏在。良年經憶過庭傳。儒雅矜當代。彝尊飛騰數妙年。九重書第一。良年三策對無前。饌出仙廚美。彝尊袍分獸錦鮮。上陽芸是閣。良年中禁木爲天。苑柳晴相映。彝尊宮鶯歲屢遷。星軺馳漢節。良年驛路入秦川。得士皆殊絕。彝尊難兄編修乾學。更接聯。遙聞臚唱日。良年正值使車旋。兩到須迴轍。彝尊雙丁足比肩。把文同謝舅。良年謂顧子炎武。染翰失張顛。賓至交珠履。彝尊朝回並玉鞭。連枝真不易。良年初度乃居先。南斗神仙錄。彝尊西清侍從員。黑頭誰得似。良年青眼獨依然。歷下尋山屐。彝尊江干載酒船。因人慙入洛。良年結客重投燕。不謂迎縫掖。彝尊翻教起晝眠。茱萸猶結佩。良年醞醖此開筵。琰進崑山玉。花明祕省輒。彝尊齠歌應可續。良年比調有新篇。彝尊

酬潘耒

燕京秋九月。雨雪紛渚渚。初晴出戶去。延望西山崖。薄衣先苦寒。炙背返荆柴。晚間僮僕語。有客叩吾齋。新詩題紈扇。留贈出中懷。臨風百過誦。音響一何佳。泠泠朱絃瑟。調必宮商諧。壯哉四方志。獨櫂浮江淮。

傷禽戢羽翼。鳴鹿求其儕。河東衛先生。簡討齊埽室道南街。希音辨元始。望古窮津涯。同聲一相應。衆說誠可排。爾雅及三倉。豪髮未嘗乖。伊余去鄉國。萬里敝青鞵。媿乏洛生詠。徒觀泰山柴。憂玉聞琳瑯。披雲豁塵霾。譬彼同岑草。所惜在根荄。願貞歲寒期。簽笠行相偕。

贈朱十

吳江潘 末次耕

天台拔羣峯。東壁輝列宿。南州盛衣冠。之子爲領袖。傑然雲霄姿。大廈資結構。匏瓜悲天懸。井渫惻寒慙。間爲蘇門嘯。善作伶倫奏。大雅還初元。風騷獨馳驟。峨峨春明門。英賢畢來輶。高齋埽晴雪。玉山驚邂逅。聞游泰岱還。應宿天門岫。日輪湧樽桑。幾時割昏晝。僕本同岑人。折麻欣有舊。才非士龍奇。齒是公明幼。偶然弔燕昭。金臺暫停留。方辦五嶽裝。青精煮糧糗。何日相提攜。蓮峯掇三秀。

壽申檢討 涵盼

東山零雨別。不見忽三年。再作京華客。重逢獻壽筵。歲星方朔並。午夜望舒圓。滿把黃花酒。幽歌九月篇。慈仁寺夜歸同李十九良年對雪兼有結鄰之約

暝色辭沙界。蓬門更埽除。數錢燈下酒。入饌雪前魚。遠作比鄰約。相連水竹居。扁舟當此夜。來往意何如。孫少宰塾室觀吳季子劍四十韻

窮冬塾室寒。重局晝飛雪。嘉興李良年武曾役車雖已休。客子遠相挈。彝尊蕭然主人意。示我太古鐵。吳